



Fréttabréf Naustaskóla

4. tölublað, 3. árgangur, 5. apríl 2010

Ábyrgðarmaður: Ágúst Jakobsson

Námsaðlögun • Athvarf • Umhyggja • Samvinna • Táp og fjör • Allir með!

Laus störf!

Nú erum við að auglýsa eftir starfsmönnum fyrir næsta vetur, þ.e. kennara, námsráðgjafa og þroskaþjálfara. Auglýsingarnar má finna á umsóknavef Akureyrarbæjar og er umsóknarfrestur til 19. apríl Slóðin á umsókarvefinn er:

<http://www.akureyri.is/stjornkerfid/auglysingar/>

Könnun

Fyrirhugað er að gera könnun meðal foreldra innan skamms. Foreldrar munu fá sendan tölvupóst þar sem þeir þeir verða beðnir um að svara nokkrum spurningum varðandi skólann og skólustarfið. Við biðjum foreldra um að bregðast vel við og taka þátt því að þannig fáum við mikilvægar upplýsingar til að nýta við þróun starfsins. Könnunin mun að sjálfsögðu verða nafnlaus og ekki hægt að rekja svör til þátttakenda.

Jákvæður agi

Það er gaman að segja frá því að nú hafa Glerárskóli og Hrafnagilsskóli ákveðið að slást í lið með okkur við að innleiða agastefnuna "Jákvæðan aga". Ráðgert er nokkurt samstarf milli skólanna um þetta verkefni, sem byrjar á því að 2-3 fulltrúar frá hverjum skóla fara á fjögurra daga námskeið til Bandaríkjanna um miðjan maímánuð. Í framhaldinu er fyrirhugað sameiginlegt námskeiðshald í haust og samfylgd um áframhaldið sem verður tvímælaust styrkur fyrir alla skólana.

Kæra skólasamfélag

Síðasta lota skólaársins er að hefjast og vorið bíður á næsta leiti þó þess sjái ekki stað í veðurfarinu ennþá. Marsmánuður var afskaplega viðburðaríkur hjá okkur og mikið um að vera allan mánuðinn. Þar ber fyrst að nefna árhátíðina sem tókst afar vel. Var sérstaklega ánægjulegt að sjá hve margir mættu og gaman að sjá að afar, ömmur, eldri systkini og fleiri fjölskyldumeðlimir fylgdu mörgum nemendum. Eftir árhátíðina hefur svo verið í nógu að snúast, má þar nefna upplestrarkeppni og skólabúðadvöl hjá 7. bekk, skíðadag í Hlíðarfjalli, gistingu hjá 6. bekk, gagnkvæmar heimsóknir nemenda 1. bekkjar og leikskólans, páskaföndur, skólaþing, ferð 4.-6. bekkjar í stjörnuskoðunarver og meira að segja influensubólusetningu, auk venjubundinnar dagskrár sem er auðvitað stór kapítuli útaf fyrir sig. Myndir frá mörgum þessara viðburða, sem og öðrum þáttum í starfinu, má nálgast á heimasíðu skólans og hvetjum við ykkur til að fylgjast með henni, til gagns og gamans. Aprílmánuður hefst á starfsdegi sem við munum m.a. nýta til skyndihjálparnámskeiðs fyrir starfsfólk. Miðvikudagurinn 7. apríl er viðtalsdagur en nú ætlum við að prófa að boða einungis þá sem umsjónarkennarar telja þörf á að hitta á þessum tímapunkti, en gefum okkur þá jafnframt betri tíma til að ræða málin en ef við myndum boða alla. Foreldrar geta að sjálfsögðu einnig óskað eftir viðtali þennan dag. Með von um góðan aprílmánuð í skólanum og að vorið fari að sýna sig smátt og smátt.

Ágúst Jakobsson

Nemendafjöldi veturinn 2010-2011

Við erum þessa dagana að leggja línurnar fyrir næsta vetur, ekki er enn frágengið hvernig kennarar munu skiptast á árganga en það skýrist á allra næstu vikum og verður kunnert í fréttabréfi í byrjun maímánaðar. Við höldum sama skipulagi áfram þ.e. að samkenna 2.-3. bekk, 4.-5. bekk, og 6.-7. bekk, auk þess sem kennsla 8. bekkjar fer væntanlega fram í nokkru samstarfi við 6.-7. bekk næsta vetur. Eins og staðan er nú er útlit fyrir að nemenda- og starfsmannafjöldi í hverri deild verði eins og hér sést:

Árgangur:	Nem.fjöldi	Deild:	Starfsmenn:
1. bekkur;	32	32	2 umsj.kennarar, stuðningsfulltrúi, þroskaþjálfari
2. bekkur;	34		
3. bekkur;	29	63	4 umsj.kennarar, stuðningsfulltrúi
4. bekkur;	26		
5. bekkur;	21	47	3 umsj.kennarar, stuðningsfulltrúi
6. bekkur;	17		
7. bekkur;	14	31	2 umsj.kennarar, stuðningsfulltrúi
8. bekkur;	14	14	1 umsj.kennari, sérgreinakennarar að hluta
Samtals		187 nemendur	



Leyfi vegna ípróttu, sunds, útiveru o.s.frv.

Töluvert er um að nemendur komi með miða eða að foreldrar hringi til að biðja um leyfi fyrir nemendur í ípróttum eða sundi, útiveru í frímínútum o.þ.h. Við reynum að sjálfsögðu eftir fremsta megni að verða við þessum beiðnum en biðjum foreldra um að íhuga vel hvort raunverulega sé þörf á að nemandinn sleppi því sem um er beðið, því að stundum finnst okkur eins og óþarflega margir nemendur séu með slíkar undanþágur.....





Naustaskóli við Hólmatún, 600 Akureyri

www.naustaskoli.is - naustaskoli@akureyri.is - Sími 460-4100 - Frístund sími 460-4111

Apríl 2010

Sun	Mán	Þri	Mið	Fim	Fös	Lau
				1 Skírdagur Frí!	2 Föstudagurinn langi Frí!	3
4	5 Annar í páskum Frí!	6 Starfsdagur Frí! Frístund lokuð	7 Viðtalsdagur Frí en Frístund opin Plökkfiskur m/ kartöflum, rúgbrauði og smjöri	8 Gullas m/ kartöflumús og grænmeti	9 Skyr, brauð og álegg	10
11	12 Soðinn fiskur m/ kartöflum, grænmeti og laukfeiti	13 Grænmetisbuff m/ kartöflum, sósu og salati	14 Ostafiskur m/ hrísgrjónum og karrysósu	15 Kjöt og kjötsúpa, kartöflur og rófur	16 Makkarónusúpa, brauð og álegg.	17
18	19 Soðinn fiskur m/ kartöflum, rúgbrauði, smjörvu og tómatsósu	20 Slátur m/ kartöflum, jafningi og rófum	21 Steiktur fiskur m/ kartöflum, sósu og salati.	22 Sumardagurinn fyrsti Frí!	23 Hrísgrjónagrauttur, brauð og álegg	24
25	26 Soðinn fiskur m/ kartöflum, agúrkum, tómötum og tómát- feiti	27 Hakk og spaghetti með salati	28 Steiktur fiskibollur m/ kartöflum, sósu og salati	29 Svínasteik m/ steiktum kartöflum, grænmeti og salati	30 Grænmetissúpa, brauð og álegg	

- 6. apríl er starfsdagur, þá verða allir starfsmenn skólans á skyndihjálþarnámskeiði - Frístund lokuð
- 7. apríl er viðtalsdagur, þá mæta nemendur og foreldrar til viðtals við umsjónarkennara - athugið að ekki eru allir boðaðir í þetta skiptið en foreldrar geta einnig nýtt tækifærið og óskað eftir viðtali.
- 22. apríl er sumardagurinn fyrsti - þá verður örugglega komið vor og það verður Frídagur